

Священноисповеднику Роману (Медведю)

пресвитеру, во иночестве Иосифу

(1/13 октября 1874–1937 гг.)

Обретение мощей 21 / 24 июля, 26 августа / 8 сентября преставление.



СВЩНСП

РОМАНЪ

Хошѣ рѣши всѣмъ
вамъ какѡ сво
бодни суще прї
обучайтеся жи
тію жестоку и
лишеніемъ вса
ческимъ да егда
обстояніа таж
каа прїидутъ, воз
можете вса пре
терпѣти мужески.

Право правил еси словом истины/ яко кормчий искусный спасения корабли/ церкви святых Божии,/ преисполненные страждущими людьми,/ и душу свою полагая за ближних,/ кровь отдав, Дух стяжал еси Святой./ Егоже благодати и нам, Романе пресвитере исповедниче, испроси, // да будем помилованы и спасены и мы.

Кондак, глас 2.

В гавани спасения верных приводя/ душу свою положил еси/ от безбожных гонителей во властех/ убийством угрожаемый, выслеживаемый, осуждаемый и заточаемый,/ и тяжело болеющим из темницы выдворён,/ не имел еси, идеже приклонити главы/ в телесном изнеможении и умирании./ Обаче душею и духом освящен,/ ко Господу воспарил еси венцами украшенный./ Престолу же Его ныне предстоя/ не забуди и нас, // о молитвенной помощи тя умоляющих.

Икос:

Пастырски вел еси по спасения стези Христовых словесных овец, преследуемых злыми людьми, волкам, стада́ терзающим и умаляющим, подобными. В Кронштадтском Чудотворце Пастыре имея добрый пример, егоже учеником стал еси, обучаяся в духовной Санкт-Петербургской академии. Изгнание за

правду под Черниговом претерпев, Романе пресвитере, священноисповедниче, и в столице северной послужив, флот Черноморский военный окормлял еси ревностно, и паки о сем преследуемый, к святителю Тихону Патриарху обратился еси, бывшему своему в семинарии Холмской наставнику, и в храм Покрова Богородицы Василия Блаженного назначен был еси им по убиении его настоятеля Иоанна Восторгова. А по закрытии сего приход святителя Алексия Московскаго возглавил еси, окормляя сей до последняго под стражу взятия. И за Христа до смерти пострадав, пред кончиною христианскою непостыдною мирною Иосифом иноком став, душею и духом освящен, ко Господу воспарил еси, венцами украшенный многими. Престолу же Его ныне предстоя не забуди и нас, о молитвенной помощи тя умоляющих.

Молитва

О, Романе пресвитере исповедниче, Божий святой избранниче! Тихона, архимандрита семинарии Холмския, святителя будущаго и Патриарха Церкви Святыя Русския научением и чудотворца Кронштадтскаго Иоанна духовным руководством пастырем добрым евангельским став, жизнь свою за стадо пасомых словесных овец Спасителя нашего Господа Иисуса Христа Сына Божия положил еси, по словеси Его не бе-

гая волков хищных. На Юге и Западе, и в обеих столицах Русских священно послужив, многия к вере привел и в вере укрепил еси, святым Алексием Мечевым засвидетельствованный яко больший и лучший врачеватель духовный великаго множества душ человеческих. От начала пастырства твоего положил еси себе за правила быти терпимым и выдержанным, смиренным и кротким, внимательным и заботливым дабы врагов не имети. Ещеже и свободу свою и иных блюсти и ценити богоугодную подражая Богу. И исполнял сия со тщанием на воле внешне и в неволе внутренне. В трудах и подвигах самоотверженных здравие твое и матушки Анны, сестрою милосердия бывшая и роженицам повивально помогавшая, жертвенно растравили еста, доброю волею на крестах ваших жизненных распинающиеся. На десять лет осужденный по словесем твоим, дочери вашей возлюбленной Ирине написанным, чашу горечей многих и испытаний, прочим паче естественных, испил еси сполна, и на умирание из заточения твоего каторжнаго в житейское море безбожнаго мира того был еси брошен. Яко Иов Многострадальный к болезнем болезнь и к потерем потери безропотно несл еси, не имея к тому же еще, идеже главы своея приклонити, и хлеба с водою досыта вкусити. Последі изгнившее стегно твое преломив, со свищем в нем открытым и зияющим. Обаче и zde помышлял еси в себе и иным глаголал:

Мир и радость Пастыреначальник наш остави нам, и никтоже в силах сии от нас отъяти. И паки из опыта своего учил еси, яко враг пребывает в нас самих, и из себе подобает прежде сего изгнати, а по́слежде уже и иным сие соделати помогати.

О сейже помощи ходатайствами твоими молитвенными ко Господу нашему общему, Единому Богу Истинному, и ставшей во Иоанне Богослове, девственнике апостоле всем православным христианом Материю Марии Приснодевственной Божией Матери с верою в Них и тя несумненной и искренней тя молим. Вы же, о, Троица Святая Единосущная Божественная Отче, Сыне и Душе – Безначальне, Единородне и Животворящий – с Пресвятою Богородицею, Пречистою Преблагословенною Славною Владычицею нашею по Бозе, спасения верным хотяще, молитвами святаго Романа пресвитера Вам угоднаго, подвигом добрым безупречно и совершенно подвизавшагося, и веру свою в Вас делами веры свято исповедавшаго, Всемило­стиво нас спасите. **А**минь.